

საქართველოს ეკონომიკისა და მდგრადი განვითარების მინისტრის

ბრძანება №1-1/175
2024 წლის 15 მაისი

ქ. თბილისი

ელექტროენერჯის (სიმძლავრის) ბაზრის წესების დამტკიცების შესახებ საქართველოს ენერჯეტიკის მინისტრის 2006 წლის 30 აგვისტოს №77 ბრძანებაში ცვლილებების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

მუხლი 1

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს № 77 ბრძანებით დამტკიცებულ „ელექტროენერჯის (სიმძლავრის) ბაზრის წესებში“ (www.matsne.gov.ge, სსმ, № 117, 31/08/2006, სარეგისტრაციო კოდი: 300.300.000.22.025.009.162) შეტანილ იქნეს ცვლილება:

1. მე-3 მუხლის:

ა) მე-4 პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) კომისიის მიერ გაცემული ლიცენზიის დამოწმებული ასლი (მხოლოდ ლიცენზიანტის შემთხვევაში) ან კომისიის მიერ მიღებული გადაწყვეტილება წინასწარი ლიცენზიის გაცემის თაობაზე (მხოლოდ წარმოების ლიცენზიანტის შემთხვევაში);“;

ბ) მე-15 პუნქტის შემდგომ დაემატოს შემდეგი შინაარსის მე-16 პუნქტი:

„16. წარმოების ლიცენზიატი, რომელიც საბითუმო ვაჭრობაში მონაწილე კვალიფიციურ საწარმოდ რეგისტრირებულია კომისიის მიერ გაცემული ელექტროენერჯის წარმოების წინასწარი ლიცენზიის საფუძველზე, ვალდებულია ელექტროენერჯის წარმოების წინასწარი ლიცენზიის მოქმედების ვადის დასრულებამდე წარუდგინოს ელექტროენერჯეტიკული ბაზრის ოპერატორს კომისიის მიერ საბოლოოდ ამოქმედებული წარმოების ლიცენზია.“.

2. მე-4 მუხლის:

ა) პირველი პუნქტის „ა“ ქვეპუნქტი ჩამოყალიბდეს შემდეგი რედაქციით:

„ა) კომისიის მიერ ლიცენზიის ან/და ელექტროენერჯის წარმოების წინასწარი ლიცენზიის გაუქმება – კომისიის გადაწყვეტილების ამოქმედების დღიდან;“;

ბ) 2² მუხლის შემდგომ დაემატოს შემდეგი შინაარსის 2³ მუხლი:

„2³. გარდა ამ მუხლის პირველი პუნქტის „ა“, „ბ“, „თ“, „ი“, „კ“ და „ლ“ ქვეპუნქტებით განსაზღვრული შემთხვევებისა, წარმოების ლიცენზიატს საბითუმო ვაჭრობაში მონაწილედ რეგისტრაცია უუქმდება ამ წესების მე-3 მუხლის მე-16 პუნქტით განსაზღვრული ვალდებულების შეუსრულებლობის შემთხვევაში – ელექტროენერჯის წარმოების წინასწარი ლიცენზიის მოქმედების ვადის დასრულების დღიდან.“.

3. 25-ე მუხლს დაემატოს შემდეგი შინაარსის მე-7 პუნქტი:

„7. წარმოების ლიცენზიატი, რომელიც ელექტროენერჯეტიკული ბაზრის ოპერატორის მიერ საბითუმო ვაჭრობაში მონაწილედ რეგისტრირებულია ელექტროენერჯის წარმოების წინასწარი ლიცენზიის საფუძველზე, ვალდებულია ამ წესების მე-3 მუხლით დადგენილი წესით საბითუმო ვაჭრობაში მონაწილედ რეგისტრაციიდან არაუგვიანეს 10 (ათი) სამუშაო დღის ვადაში ელექტროენერჯეტიკული



ბაზრის ოპერატორს წარუდგინოს საბანკო გარანტია, ელექტროენერჯის ბაზრის ოპერატორის მიერ დადგენილი წესითა და ოდენობით. საბანკო გარანტიით უზრუნველყოფილი უნდა იქნეს ელექტროენერჯის წინასწარი ლიცენზიის მოქმედების პერიოდში გამომუშავებულ ელექტროენერჯიაზე ელექტროენერგეტიკული ბაზრის ოპერატორის მიერ წარმოების ლიცენზიატისთვის ანაზღაურებული თანხების სავარაუდო ოდენობა. უზრუნველყოფისათვის გამოიყენება საქართველოში ლიცენზირებული კომერციული ბანკის მიერ გაცემული ან „ეკონომიკური თანამშრომლობისა და განვითარების ორგანიზაციის (OECD)“ წევრ ნებისმიერ ქვეყანაში მოქმედი ბანკის მიერ გაცემული და საქართველოში ლიცენზირებული კომერციული ბანკის მიერ კონტრგარანტიის საფუძველზე გადაზღვეული უპირობო და გამოუთხოვადი საბანკო გარანტიები. საბანკო გარანტიის ოდენობას განსაზღვრავს ელექტროენერგეტიკული ბაზრის ოპერატორი, რომლის ოდენობა არ უნდა აღემატებოდეს ელექტროენერჯის წარმოების წინასწარი ლიცენზიის მოქმედების პერიოდში ელექტროენერგეტიკული ბაზრის ოპერატორის მიერ აღნიშნული საწარმოსგან საპროგნოზოდ შესასყიდი ელექტროენერჯის სრულ ღირებულებას. გარანტიის მოქმედების ვადა და სხვა პირობები ელექტროენერგეტიკული ბაზრის ოპერატორმა უნდა განუსაზღვროს ამ მუხლით განსაზღვრულ წარმოების ლიცენზიატს აღნიშნული პირის კვალიფიციურ საწარმოდ, როგორც წარმოების ლიცენზიატი, რეგისტრაციის წერილთან ერთად. გარანტიის მოქმედების ვადა არანაკლებ 45 დღით უნდა აღემატებოდეს წინასწარი ლიცენზიის მოქმედების პერიოდს. შესასყიდი ელექტროენერჯის ღირებულების გაზრდის შემთხვევაში გარანტიის წარმომდგენი პირი ვალდებულია, მიუსადაგოს წარმოდგენილი საბანკო გარანტია შეცვლილ გარემოებებს, წინააღმდეგ შემთხვევაში, ჩაითვლება, რომ საბანკო გარანტია არ არის წარმოდგენილი. ელექტროენერგეტიკული ბაზრის ოპერატორის მიერ საბანკო გარანტია გამოყენებულ იქნება მხოლოდ იმ შემთხვევაში, თუ შეწყდება/გაუქმდება კომისიის მიერ გაცემული ელექტროენერჯის წარმოების წინასწარი ლიცენზია. კომისიის გადაწყვეტილების საფუძველზე ელექტროენერჯის წარმოების წინასწარი ლიცენზიის საბოლოოდ ამოქმედების შემთხვევაში, წარმოების ლიცენზიატს უნდა დაუბრუნდეს ელექტროენერგეტიკული ბაზრის ოპერატორისთვის ამ პუნქტის შესაბამისად წარდგენილი საბანკო გარანტია.“.

მუხლი 2

ეს ბრძანება ამოქმედდეს გამოქვეყნებისთანავე.

**საქართველოს ეკონომიკისა და
მდგრადი განვითარების მინისტრი**

ლევან დავითაშვილი

